

BIVDOGUOVLLUID NJUOLGGADUSAT- GUOLÁSTEAMI ORGANISEREN

Dohkkehuvvon DG-čoahkkinis 28.02-01-03-2019

Mielddusin mearkkašumit ovttaskas mearrádusaide (siidu 5)

SISDOALLU

Kapihtal 1 Bivdoguovllut – fierbmebivdoriekti, ulbmil, mandáhta, čoahkkinrieki

- § 1 Bivdoguovllut, fierbmebivdoriekti dihto guovllus
- § 2 Ulbmil
- § 3 Mandáhta
- § 4 Ovttasdoaibma bivdoguovlluid ja DG gaskkas
- § 5 Čoahkkinrieki, válddáš, válljeneaktun ámmáhiidda

Kapihtal 2 Bivdoguovlostivra, bivdoguovločoahkkin dahje jahkečoahkkin

- § 6 Bivdoguovlostivra – ovttasdoaibman, čoahkkádus, jođiheapmi/gulahallanolmmoš
- § 7 Bivdoguovllučoahkkin dahje jahkečoahkkin, sisagohččun, áššiid dieđiheapmi
- § 8 Bivdoguovllučoahkkin - áššit

Kapihtal 3 Eará mearrádusat

- § 9 Jienastannjuolggadusat - áššit, válggat- ovtta olu jienat
- § 10 Riidočoavdin
- § 11 Njuolggadusaid dohkkehit ja rievdadit

Kapihtal 1 Bivdoguovllut – fierbmebivdoriekti, ulbmil, mandáhta, čoahkkinrieki

§ 1 Bivdoguovllut, fierbmebivdoriekti dihto bivdoguovllus , luossareive¹

Deanočázadat lea juhkkjuvvon bivdoguovlluide mas vuoigatvuođalaččain, geat devdet fierbmebivdoeavttuid, lea bivdoriekti. Bivdoriekti fátmasta buot guollešlájaid ja daid bivdosiid maid lea lohpi geavahit dihto áiggis.²

DG čáliha luossareive mas leat eavttut bivdoriektái ja guolásteapmái dihto bivdoguovllus. Bivdoriektái gullá bivdu njanngofirpmiin, buodđut ja golgadi, ja bivdit ii sáhte eará go dan bivdoguovllus gosa DG lea čálihan bivdoriekti.

§ 2 Ulbmil

Bivdoguovllu ulbmil lea dáhkidit luossareiveeaiggádiid oasálastima ja vuoigatvuođaid bivdoguovllu guolástanhálddahasas, ja áimmahuššat sin guolástanberoštumiid ja -vuoigatvuođaid.

§ 3 Mandáhta³

Bivdoguovlu ovddasta buot vuoigatvuođalaččaid geain lea luossareive guovllus. Bivdoguovlu meannuda ja čielggada guovllu bivdoáššiid, ja sáhtá buktit cealkámušaid áššiide mat váikkuhit guliide, guolásteapmái ja luossareiveeaiggádiid oktasaš bivdoboštumiide ja -vuoigatvuođaide.

Bivdoguovlu lágida ieš bivddus ja juohká bivdočázi bivdoguovllu luossareiveeaiggádiidda. Bivdoguovlu buktá cealkámušas ođđa čáliheamiid ja bivdoriektesirdimat bivdoguovlluid gaskkas, ja gaskaboddosaš lágošiehtadusaide bivdoguovllus. Bivdoguovlu sáhtá evttohit rievdadusaide guovlojuohkimis, gč Luossareivenjuolggadusaide §9.

Bivdoguovlu sáhtá ávžžuhit luossareiveeaiggádiid dieđihit bivdosállaša DG`ii, maiddá go eai leat goddán maidege. Dieđut bivdosálašdieđiheamis gávdná DG ruovttusiidduin:

www.tanafisk.no/fiskekort/fangstrapportering

§ 4 Ovttasdoaimma bivdoguovlluid ja DG gaskkas

Ovttasdoaimma bivdoguovllu ja Dg gaskkas lea dárkilat čilgejuvvon *Luossareivenjuolggadusain*:

- Kapihttal 2 - §8, 2.lađas sáhka fierbmebivdoriekti manaheamis
- Kapihttal 3 - §9, 3.lađas bivdoguovllurájaid rievdadeapmi, §10, 3.lađas fierbmebivdoriekti čáliheapmi bivdoguovllus, §11, 2.lađas Bivdoriektesirdin bivdoguovlluin.
- Kapihttal 4 - §13, 5.lađas Gaskaboddosačča láigohit fierbmebivdoriekti

§ 5 Čoahkkinrieki, válddálaš, válljeneaktun ámmáhiidda

Buot bivdoguovllu luossareiveeaiggádiin lea čoahkkinrieki, mas riekti cealkit, evttohit ja jienastit bivdoguovločoahkkinii ja jahkečoahkkinis. Luossareiveeaiggát sáhtá oasálastit persovnnalaččat dahje válddálačča bokte guhte lea dállođu- dahje bearašlahttu, mii sáhtá leat mánná, mánáidmánná, váhnen dahje oabbá/viellja. Válddálaš galgá leat čálihuvvon álbmotregistaris ássin bivdoguovllu gieldas. Fápmudus galgá leat čálalaččat luossareiveeaiggádis, ja gustovaš ovtta čoahkkinii. Válddálaččas ii sáhte eambbo go okta fápmudus. Fápmudusa ii sáhte addit luossareiveeaiggádii. Bivdoguovločoahkkin dahje jahkečoahkkin dohkkeha fápmudusaide.

Buot bivdoguovllu luossareiveeaiggádat sáhttet válljejuvvot ámmáhiidda. Válddálaččaid ii sáhte válljet.

¹ Gč. Tanaforskriften § 7, 2. ja 6. lađas

² Gč. Tanaforskriften § 3, 1. lađas

³ Gč. Tanaforskriften § 7, 3. lađas

Kapihtal 2 Bivdoguovlostivra, bivdoguovločoahkkin, jahkečoahkkin, áššit

§ 6 Bivdoguovlostivra – ovttasdoaimman, jodiheapmi/gulahallanolmmoš

Bivdoguovlostivrras galgá leat jodiheapmi, nubbijodiheapmi ja unnimusat okta lahttu, ja unnimusat okta várrelahttu, válljejuvvo bivdoguovllu luossareiveeaiggádiid bokte ja sin gaskkas.

Bivdoguovllu jodiheapmi gohčču čoahkkimiidda, jodiha čoahkkimiid, ovdanbuktá áššiid meannudeapmái, koordinere guovllu áššiid ja ovddasta bivdoguovllu. Nubbijodiheapmi doaimma go jodiheapmi lea eret. Jodiheapmi lea duppalljietna jos leat ovttas olu jienat jienastemiin.

§ 7 Bivdoguovločoahkkin dahje jahkečoahkkin – sisagohččun, áššiid diediheapmi

Dárbbu mielde lágideuvvo bivdoguovločoahkkin dahje jahkečoahkkin

Bivdoguovločoahkkin dahje jahkečoahkkin sáhtá lágideuvvot ovdal bivdoáigodat álgá, jos lea dárba dasa bivddu organiserema dáfuš čuovvovaš áigodahkii, dahje válljen dihtii miellahtuid ja várreláhtuid bivdoguovllustivrii. Nu maidai jos bivdoguovlostivra oaidná dárbbu meannudit ášši/áššiid guovločoahkkima dahje jahkečoahkkima bokte.

Bivdoguovlostivra jodiheapmi bokte, dahje nubbijodiheapmi jos jodiheapmi lea eret, gohčču buot luossareiveeaiggádiid jahkečoahkkimii/guovllučoahkkimii unnimusat 5 beaivvi ovdal. Bivdoguovllu luossareiveeaiggádat sáhtte áššiid diedihit meannudeapmái. Sisagohččun ja áššelistu dohkkehuvvo čoahkkimis. Čoahkkinbeavdegirji sáddejuvvo diehtun DG`ii.

§ 8 Bivdoguovločoahkkin- áššit

Bivdoguovločoahkkin meannuda dahje buktá cealkámušas dárbbu mielde ovttas dahje eanet dáin áššiin guovllustivračoahkkinis, bivdoguovločoahkkinis dahje jahkečoahkkinis.

1. Bivdoguovllu cealkámuš ođđa luossareivečáliemiide guovllus, DG diediheami vuodul
2. Bivdoguovllu cealkámuš bivdoriektesirdimis guovlluid gaskkas, DG diediheami vuodul
3. Bivdoguovllu cealkámuš gaskaboddosaš bivdoriekti láiggoheamis, DG diediheami vuodul
4. Dárbbu mielde, veahkehit luossareiveeaiggáda veardidit eavttuid mo láigohit bivdoriekti guovllus gitta jahkái ain hávil, guolásteaddjái guhte ássá Deanuleagis, gč Luossareivenjuolggadusaid § 14
5. Mearridit sáhttet go guovllu luossareiveeaiggádat bivdit searválaga dahje sierranassii čuovvovaš áigodagas. Jos mearriduvvo ahte sáhtá sierrabivdu, de ii galgga mearrádus hehttehussan dasa ahte guovttis dahje eambo luossareiveeaiggádat sáhtte bivdit ovttas njággofirpmiin, buođđut dahje golgadi.
6. Juohkit bivdočáziid guovllu luossareiveeaiggádiid gaskkas. Luossareiveeaiggádat berrejit bisuhit bastevaš bivdosajiid.
7. Bivdoguovllu cealkámuš áššiin mat váikkuhit guliide, guolásteapmái ja luossareiveeaiggádiid oktasaš bivdoberoštumiide ja -vuoigatvuođaide
8. Ovddidit árvalusaid jos leat evttohuvvo guovllurájaid rievdadit
9. Ovddidit vejolaš rievdadusevttohusaid DG siskkálidas nuolggadusaid; DG nuolggadusat, Luossareivenjuolggadusat, Oktasaščoahkkima nuolggadusat ja Bivdoguovlludnuolggadusat
10. Válljet láhtuid ja várreláhtuid dahje sadjásaččaid guovllustivrii

Gč §4 Ovttasdoaimma DG ja bivdoguovlluid gaskkas

Kapihtal 3 Eará mearrádusat

§ 9 Jienasteapmi - áššit, válggat, ovtta olu jienat

Áššit mearriduvvot dábálaš eanetloguin, mii lea eanet go 50% jienain. Jos leat ovtta olu jienat, de jienastuvvo ođđasit, Jos ain leat ovtta olu jienat, de sáhtá ášši mearridit jodiheaddji duppaljiena bokte, dahje sáddejuvvot DG`ii meannudeapmái ja mearrideapmái.⁴

Válggat olbmui mearriduvvo dábálaš eanetloguin. Jos leat ovtta olu jienat de dahkko mearrádus ođđa jienasteapmi, vuorbádeapmi dahje jodiheaddji duppaljiena bokte

§ 10 Riidočoavdin⁵

Riiddut vuoigatvuođalaččaid gaskkas bivddu ektui mearriduvvot vuosttamužžan DG bokte, jos jo ášši ii čovdojuvvo guovllučoahkkinis. Riiddut mat gullet fierbmebivdovuoigatvuođaide sáhtá loktet eanajuohkinriekti dahje diggeriekti ovdii. Eanajuohkinriekti sáhtá dubmet geavahanortnega vuoigatvuođalaččaid gaskkas eanajuohkinlaga vuodul

§ 13 Njuolggadusaid dohkkehit ja rievdadit

Dáid njuolggadusaid mearrida ja rievdata DG arvat eanetlogu bokte, mii lea eanetlohku mas leat unnimusat 2/3 jienain. Njuolggadusaid rievdadeapmi guorahallo DG bokte, ja sáddejuvvo gulaskuddamii bivduguovlluid, luossareiveeaiggádiid servviide ja eará gustovaš gulaskuddanbeliide. Ášši ovdanbukto oktasaščoahkkima meannudeapmái, ovdal go DG meannuda ja dohkkeha njuolggadusaid.

⁴ Gč. Tanaforskriften §7, 3. laðas

⁵ Gč. Tanaforskriften §§16 ja 7, 4.laðas

BIVDOGUOVLLUID NJUOLGGADUSAT – Mearkkašumit ovttaskas mearrádusaide:

Obbalaččat: Bivdoguovlluid njuolggadusat leat hábmeyuvvon Tanaforskriften §7, 3.lađđasa vuodul, mas čuožžu ahte DG sáhtta bidjat dárkilat njuolggadusaid bivddu organiseremis guovlluin. Njuolggadusain lea váldon vuhtii geavatláš dábiid, bivdoguovllu iešmearrideapmi, ja čujuhusat Deanoláhkaásahusas. Bivdoguovllu ulbmil lea sihkkarastit guovllu luossareiveeaiggádiid oasálastin ja vuoigatvuodaid fierbmeyuvddu organiseremis, ja áimmahuššat sin guolástanberoštumiid – ja vuoigatvuodaid, gč § 2 Ulbmil

§ 3 ektui, Mandáhta: Bivdoguovllu mandáhta lea ovddastit buot guovllu luossareiveeaiggádiid. Dát guoská buot luossareiveeaiggádiidda, beroškeahhtá bivdet go aktiivvalaččat gos nu vai ii. Guovlu, dahje guovllu luossareiveeaiggádat sáhttet buktit árvalusaid DG`ii rievdadit guovllurájáid. Nu sáhttet maiddá luossareiveeaiggádiid searvvit ja DG, gč §9 Luossareivenjuolggadusat

§ 5 ektui, čoahkkinniekti, válddálaččat: Buot luossareiveeaiggádiin, beroškeahhtá bivdet go aktiivvalaččat goas nu dahje ii, lea riekti searvat guovllučoahkkimiidda ja jahkečoahkkimiidda. Lea dahpi ahte lagaš bearašláhttu dahje dálloodalloláhttu searvá fápmudusain guovllučoahkkimiidda. Lagaš bearašláhttu lea dábálaččat mánná, mánáidmánná, váhnen dahje oabbá/viellja.

Válddálaččas ii sáhte eanet go okta fápmudus. Válddálaš galgá ássat ja leat álbmotregistaris dan gieldas gosa bivdoguovlu gullá. Eastadan dihtii ahte ovttaskas olbmoss lea eanet go okta jietna čoahkkimis lea 2.lađđasis ná: “*Fápmudusa ii sáhte čállit luossareiveeaiggádii*”. Guovllučoahkkinn dahje jahkečoahkkinn dohkkeha fápmudusaid. Lea dehálaš bivdoguovlluide, erenoamážit doppe gos leat unnán luossareivvet, ahte sis leat stivraámmáhat. Dan dihtii ii sáhte válddálaččaid vállje ámmáhiidda.

§ 6 ektui, quovllustivra,ovttasdoaimman: 1.lađđasis čuožžu ahte quovllustivrras galgá jodiheaddji, nubbijodiheaddji ja “*unnimusat okta láhttu*” ja “*unnimusat okta várreláhttu*”. Lea ovttaskas bivdoguovllu duohken mearridit galle láhttu ja várreláhttu galget sin stivrras. Guovllut main leat unnit go 3 luossareiveeaiggádat doibmet válljejuvvon gulahallanolbmo bokte. Quovllustivrra jodiheaddjis, dahje nuppijodiheaddjis jos jodiheaddji lea eret, lea duppaljietna jos leat ovtta olu jienat, gč maiddá § 9 jienastemiid birra áššiin ja válggain.

§ 7, 1.lađđasa ektui Guovllučoahkkinn dahje jahkečoahkkinn: Bivdoguovlu mearrida ieš leago dárbu doallat guovllučoahkkima dahje jahkečoahkkima, gč § 7,1.lađas.

§7,3.lađđasa ektui: Mearrádussii lea biddjon unnimusat 5 beaivvi dieđihanáigi sisagohččumis guovllučoahkkimii dahje jahkečoahkkimii. Mearrádus ii cakka dan ahte quovllustivra ieš mearrida guhkit dieđihanáigemeari, muhto gáibádus lea ahte gohččojuvvo čoahkkima unnimusat 5 beaivve ovdal.

§ 8 ektui Bivdoguovllučoahkkinn: Bivdoguovlu ies mearrida leago dárbu meannudit áššiid 1.-10. Čuoggás quovllustivrras, guovllučoahkkimis dahje jahkečoahkkimis. Čujuhuvvo maiddá § 4, ovttasdoaimma guovlluid gaskkas, erenoamážit go guoská fierbmeriekti manaheamis, guovllurájáid rievdadeamis, čáliheamis ja fierbmeriekti sirdimis guovlluid gaskkas, bivdoriekti láigoheamis gaskaboddosaččat áigodagas.

§9, 1.lađđasa ektui Jienasteapmi: Jos lea moddii jienastit ja ain leat ovtta olu jienat, de sáhtta ášši “sáddet DG`ii meannudeapmái ja mearrideapmái”. Dát čuovvu Tanaforskriften §7, 3. Lađđasa. Sáhtta leat ovdamunnin ahte guovllus lea dat vejolašvuhta jos leat ovtta olu jienat ja guovlu ii hálit, iešguđet sivaidd geažil, ahte DG meannuda ja mearrida áššis.